



REPUBLIKA E SHQIPËRISË

**AUTORITETI I KOMUNIKIMEVE ELEKTRONIKE DHE POSTARE
KËSHILLI DREJTUES**

Nr. _____ Prot.,

Tiranë më _____.____.2025

V E N D I M

Nr.10, datë 27. 08.2025

PËR

“MIRATIMIN E DOKUMENTIT PËRFUNDIMTAR: ANALIZË E TREGUT TË SHËRBIMEVE POSTARE DHE VLERËSIMI TË OFRUESVE TË MUNDSHËM TË SHËRBIMIT UNIVERSAL”

Këshilli Drejtues (KD) i Autoritetit të Komunikimeve Elektronike dhe Postare (AKEP), me pjesëmarrjen e:

1. Z. Gentian	Sala	Kryetar
2. Znj. Edlira	Dvorani	Anëtare
3. Z. Lorenc	Bako	Anëtar
4. Z. Bleron	Dokle	Anëtar
5. Z. Armer	Juka	Anëtar

dhe sekretare znj. Kledja Cikopano në mbledhjen e datës 27.08.2025, sipas procedurës së përcaktuar në nenin 15 të ligjit nr. 54/2024 “Për komunikimet elektronike në Republikën e Shqipërisë” dhe Rregullores së Brendshme të Funkcionimit të Këshillit Drejtues të AKEP-it, miratuar me vendimin nr.7, datë 16.2.2017, të Këshillit Drejtues të AKEP-it, shqyrtoi çështjen me objekt:

- Miratimin e dokumentit: *“Analizë e tregut të shërbimeve postare dhe vlerësimit të ofruesve të mundshëm të shërbimit universal-dokument përfundimtar”*.

BAZA LIGJORE:

- 1 Neni 10, pika 4 e nenit 13 të ligjit nr. 46/2015 “Për shërbimet postare në Republikën e Shqipërisë”, (**Ligji Nr.46/2015**);
- 2 Nenet 14 dhe 15 të ligjit nr. 54/2024 “Për komunikimet elektronike në Republikën e Shqipërisë”;
- 3 Ligj nr. 44/2015 “Kodi i Procedurave Administrative në Republikën e Shqipërisë” (**Ligji nr. 44/2015**);
- 4 Pika 2, e nenit 5 të VKM-së nr. 239, datë 02.05.2018 “Për miratimin e rregullave për përcaktimin e ofruesit të shërbimit universal”, (**VKM nr.239/2018**).

K Ë SHILLI D R E J T U E S:

Nga shqyrtimi i materialit shkresor mbi çështjen, si më poshtë:

1. Dokumenti: “Analizë e tregut të shërbimeve postare dhe vlerësimi i ofruesve të mundshëm të shërbimit universal-dokument përfundimtar”;
2. Relacioni shpjegues i projektaktit;
3. Projektakti i formatuar dhe arsyetuar,

si dhe referuar diskutimeve në mbledhje mbi çështjen, duke arsyetuar në mbështetje të bazës ligjore të sipërcituar,

V Ë R E N:

1. AKEP është autoriteti rregullator kombëtar përgjegjës për rregullimin dhe mbikëqyrjen e shërbimeve postare në Republikën e Shqipërisë. Për të përmbushur qëllimin e përcaktuar në nenin 13 të ligjit nr. 46/2015, AKEP ndër të tjera ka detyrimin për të përcaktuar ofruesin e shërbimit universal postar, si dhe të mbikëqyrë përmbushjen e detyrimeve të shërbimit universal postar.
2. Bazuar në dispozitat ligjore, AKEP me Vendimin e Këshillit Drejtues nr. 13, datë 30.6.2020 ka pajisur subjektin “Posta Shqiptare” sh.a. me Autorizim Individual për ofrimin e shërbimit universal me afat 5 vjeçar. Në përfundim të këtij afati, AKEP duhet të kryejë procesin e rishikimit të parë, për caktimin e ofruesit të shërbimit universal postar, sipas përcaktimeve të nenit 13 të ligjit nr. 46/2015. Sipas përcaktimeve të VKD së sipërcituar, afati i përfundimit të autorizimit individual të Posta Shqiptare sh.a. për ofrimin e shërbimit universal postar është data 7 korrik 2025.
3. Këshilli Drejtues i AKEP, me Vendimin nr.6, datë 19.05.2025, miratoi nxjerrjen në këshillim publik të dokumentit: “*Analizë e tregut të shërbimeve postare dhe vlerësimi të ofruesve të mundshëm të shërbimit universal*”, për një afat 30 ditor (19 maj – 18 qershor). Ky vendim, pasi u publikua, iu njoftua palëve të interesuara, sipërmarrësve të shërbimeve postare, Ministrisë së Infrastrukturës dhe Energjisë dhe Autoritetit të Konkurrencës, për marrjen e mendimeve përkatëse.
4. Gjatë periudhës së këshillimit publik të dokumentit të analizës së tregut nuk u paraqit asnjë mendim nga palët e interesuara lidhur me përmbajtjen e dokumentit dhe aspekteve të tregut në tërësi për ofrimin e shërbimeve postare.
5. Dokumenti përfundimtar “*Analizë e tregut të shërbimeve postare dhe vlerësimi të ofruesve të mundshëm të shërbimit universal*”, përmban një analizë të ecursisë së treguesve të tregut postar në Shqipëri, duke u fokusuar në shërbimin universal, si dhe në vlerësimin e kapaciteteve tekniko-ekonomike të ofruesve aktualë të shërbimit postar, për të ofruar shërbimin universal postar në Republikën e Shqipërisë, sipas përcaktimeve të ligjit nr.

46/2015 dhe akteve nënligjore të tij.

6. Në zbatim të pikës 7 të nenit 6 dhe pikës 3 të nenit 12 të ligjit nr. 46/2015 "Për shërbimet postare në Republikën e Shqipërisë", si dhe bazuar në analizën e situatës aktuale për prezencën e pikave të aksesit për ofrimin e shërbimit universal postar, Ministria e Infrastrukturës dhe Energjisë, me Urdhrin nr.469, datë 27.12.2019 "Për përcaktimin e dendësisë së pikave të aksesit për ofrimin e shërbimit universal postar", ka përcaktuar qartësisht shpërndarjen e këtyre pikave të aksesit në territorin e RSH-së, kusht të cilin në përfundim dhe të analizës së kryer e përmbush vetëm ofruesi aktual i shërbimit universal postar.
7. Bazuar në analizën dhe vlerësimet e dokumentit "*Analizë e tregut të shërbimeve postare dhe vlerësimi të ofruesve të mundshëm të shërbimit universal-dokument përfundimtar*", arrihet në përfundimin se në treg ka vetëm një sipërmarrës postar, Posta Shqiptare sh.a., që plotëson kushtet ligjore për ofrimin e shërbimit universal postar në të gjithë territorin.

P Ë R K Ë T O A R S Y E:

Në mbështetje të pikës 1 të nenit 14 dhe nenit 15 të ligjit nr. 54/2024 "Për komunikimet elektronike në Republikën e Shqipërisë", neneve 10 dhe 13 të ligjit nr. 46/2015 "Për shërbimet postare në Republikën e Shqipërisë", Këshilli Drejtues i AKEP

V E N D O S I:

1. Të miratojë dokumentin përfundimtar "*Analizë e tregut të shërbimeve postare dhe vlerësimi të ofruesve të mundshëm të shërbimit universal*", sipas tekstit bashkëlidhur.
2. Të përcaktojë sipërmarrësin postar "Posta Shqiptare" sh.a., si ofruesi i vetëm që plotëson kushtet ligjore për të ofruar shërbimin universal postar në të gjithë territorin e Republikës së Shqipërisë (RSH).
3. Ngarkohet Drejtoria Administrimit dhe Menaxhimit të Burimeve të Fundme, të ndjekë procedurat administrative për pajisjen e ofruesit "Posta Shqiptare" sh.a. me autorizimin e ri individual për ofrimin e shërbimit universal postar.
4. Ky vendim dhe dokumenti përfundimtar "*Analizë e tregut të shërbimeve postare dhe vlerësimi të ofruesve të mundshëm të shërbimit universal*", të publikohen në faqen e internetit www.akep.al.

Ky vendim hyn në fuqi menjëherë.

Kryetar	Anëtar	Anëtar	Anëtar	Anëtar
Gentian Sala	Edlira Dvorani	Lorenc Bako	Bleron Dokle	Armer Juka